

商邱縣志



高郵縣志卷之四

祠祀

壇壝之有歲享邦典也以郭邑麗于郡無別置壇
墀故不錄其他血食于茲土者大抵能禦災捍患
有功德於生民者也至世俗神祇遐邇共有城市
村落千百雷同無庸贅矣

文廟在縣學左明萬曆元年知縣何希周建 本朝

順治六年知縣胡揚俊康熙四十三年知縣劉德昌

俱重修

祭品用猪四口羊四隻鹿一隻帛九段兔四隻菜魚三觔鮓魚三觔醢醢五觔芹筍三觔

青粗三觔 韭粗三觔 笋粗三觔 銅鹽五觔 黍米一斗 纓米一斗 稻米一斗 粟米一斗 粟四觔 芹四

觔 榛四觔 菱四觔 牙香一觔 末香一觔 鏡香十色 黑

白餅各六十 搯臂十枚 大燭一對 中燭一對 小燭六

十枝 降香一炷 祭酒一中 罈東西廡同 罈二口

半二隻 帛四段 燭六對 香四束 果鹽黍稷同

啟聖祠在文廟東北隅 祭品用猪一口 羊一隻 雞一

一觔 菱一觔 藁魚一觔 鮓魚一觔 魷鹽二觔 降香一

炷 芽香一觔 錠香五色 中燭一對 小燭六對 酒一瓶

魁星文昌二祠同在學前師程講院內 祭品各用猪

魚二尾 兔一隻 藁食鮮果 羹湯 彈丸

各一豆 鮮花一枝 帛二段 燭二對

鄉賢名宦二祠在文廟戟門左右 祭品各用猪一口

二束 燭二對 果

八盤 酒二瓶

按舊志商邑名宦祀魏盧毓明萬曆扈俊臣畢用
徐化五人今祠中木主有明河南巡撫僉都御史

王漢知縣華元提教諭劉漢柱 本朝三省總督

尚書李蔭祖朱昌祚巡撫副督御史佟鳳彩提學

僉事張九徵知縣周宗義等八人鄉賢祀周原憲

司馬耕漢中屠嘉丁寬申屠剛唐魏元忠宋戚同

文張方平明吳伯昂徐永達潘禮李泰朱湛沈瀚

沈鯉宋纁曹代蕭楊澗鄭際明楊揖余穉宋沾楊

名時因珍侯執蒲侯恪葉廷桂周士樸許世蓋王

杼李瀚 本朝宋權三十二人近增劉應卜李熙

曹心明侯允楨趙恩宋忻共三十八人矣

又增宋肇

帝學廟在城南四十五里帝學陵之揚宋開寶六年
建元大厯時修明正統七年知州顧琳重修廟前東
廊下有井土人遇旱取水禱雨多應稱為靈井相傳
井本有四今存其一

關伯廟在商邱之巔元大德間提舉范廷璧建明嘉
靖三十四年知府王有為重修今以益夏上丁祀

按宋

史康定初南京鴻慶宮災集賢校理胡宿請修大火
之祀而以關伯配歲以三月九日擇日今南京長史

以下分三獻州縣攝太祝奉禮建中靖國元年又設
熒惑壇于南郊亦帝壇壇之外歲令有司以時致祭
以閼伯配後又議加閼伯上公袞冕九章之服又以
商邱為太祖興王之地以宋建號以大紀德推原發
祥之所自加封王爵錫
謚宣明併製樂章焉

伊尹廟在伊尹墓前元巡檢李士良率鄉耆卞溫輩
創建張元忠侯有造各有記明宏治間知州周誥議
重修歲久傾圯萬曆十年府經歷某捐金二百餘兩
更新之

徽子廟一名象賢祠在舊城內三仁街明宏治癸丑
巡撫都御史徐恪援閼伯比干故事請得以春秋致

祭知州周誥因舊址拓爲舊城既圯嘉靖六年提學
副使蕭鳴鳳毀尼寺改建在今城內西北隅 本朝
康熙二十 年知府胡國佐重修

舊志曰按史記微子帝乙長子帝乙欲立之太史
執之不可乃立受及受無道將亡且忌之箕子答
微子救亡之策曰詔王子出迎我舊云刺子王子
弗出我乃顛隤微子遂遜荒及武王入殷復商容
位釋箕子囚封比干墓推恩迨遍未及微子以其
遜去而未之獲也及武庚叛成王誅之始封微子

于宋以祀成湯蓋為紂之後可絕湯之祀不可絕也
使武庚能率舊德則微子將終身為世乃謂其
抱祭器歸周又謂去之以存宗祀皆未諒微子之
心者也至謂肉袒面縛左牽羊右把茅是一人而
四其手矣尤可發一噱也

性善祠在北關外泰山行宮側相傳為滕文公過宋
見孟子處舊有大門二重大殿三間東西兩廡歷代
修以祀孟子明宏治壬戌因河患湮沒嘉靖年間止
修正殿三間崇禎乙亥復毀于寇本朝康熙四十

二年署府衛輝通判葉子喬立碑記其處

莊子祠在小蒙城南祀周漆園吏莊周今廢宋蘇軾
有記

孝烈將軍廟在城東南營郭鎮北一名木蘭祠鄉人
歲以四月八日致祭蓋孝烈生辰云元侯有造史敬
各有記

協忠廟在縣治北府城隍廟之右祀張巡許遠以南
霽雲雷萬春姚閏賁賁配六人同死安祿山之難唐
聖德中惟專祀張許以南霽雲配世稱雙廟者是也

已而增雷霄為五王廟宋大觀中增姚闔為六表其
廟曰協忠金季以兵毀元至元間邑簿柴叔武徙南
城上明永樂間徙州治東宣德五年知州李志奏入
祀典宏治壬戌蕩于水正德初遷城改建金地嘉靖
三十八年知府陳洪範增修崇禎壬戌以寇燬本
朝順治十四年知府邱正策重建康熙四十二年署
府衛輝通判葉于喬重修元叅正徐琰明侍郎羅汝
敬各有記

按河南通志又有南府君睢陽廟今攷柳宗元碑

至德中與張許同祀于雙廟者是也其子承嗣恐其久湮也鑿石紀美以永其傳非雙廟之外又有特廟也

舊志曰張許死先後昌黎嘗辨之情猶有未盡蓋睢陽之圍遠至守廵至戰且百戰百勝賊之所甚忌無如廵其切齒而欲以一擊斃之者亦莫如廵廵一日不死賊未得安枕而卧故子奇欲緩廵之縛而其黨阻之曰彼得人善戰緩之慮有他虞此其欲廵之速死可知也子奇謂廵曰君每戰則目

皆盡裂齒欲碎何也巡曰欲氣吞逆賊耳賊怒以刀抉其口齒存者三四如是而欲不速死得乎巡死則速為之次洛陽之檻非速其誰巡死速又死則俘無主帥俘無主帥則其功不尤此速之所以後巡一死也而史未之及終不能無異議亦何怪兩家子弟之不能通知父志也

按剛目睢陽死節三十六人史稱寧陵之功別將二十有五後皆從巡死難而姓名之可知者僅二十有一祀又不及其餘且併其人佚之惜夫張許

二公生既與士卒同甘苦死豈不欲與諸將同血
食乎後之君子有能仰體二公之心做各郡邑名
宦鄉賢之祠於協忠二門外左右各建祠三楹東
西向置木主為位春秋二仲量備牲醴祀焉不惟
發潛德之幽光且以補數百年之缺也

顏魯公祠在城南一里間元廢寺中故有田神功報
德記本魯公書刊之石幢而亭以覆之明嘉靖二十
九年巡按御史王楠即其所祀為叅政為世寔為之
記碑亭明季毀邑紳宋權重修貢生侯方域為之記

裴晉公祠在城內大隅首

五老祠在西門外一里許祀宋太子少師杜衍侍郎
王渙司農卿畢世長郎中朱貫馮平也祠舊在城西
二里許正德辛巳工部尚書俞琳檄知州袁經建侍
郎呂柟記嘉靖丁酉圯于水知州王文林移建護城
隄內嘉靖四十一年貢之裔刑部郎中姑蘇朱景賢
刻五老遺像于祠中泐碑紀其事今石像歸于宋中
書泐西涓別業中

褒忠祠祀宋南京留守凌唐佐明歸德府檢校董綸

柘城舉人陳聞詩也唐佐字公弼休寧人建炎初留
守南京伏羲遇害贈徽猷閣待制董綸陳聞詩二人
俱死于嘉靖癸丑柘寇師尚詔之變詔贈綸本府同
知聞詩鳳陽府同知立祠協忠廟後明季燬于兵

本朝康熙二十年知府胡國佐重修更建別室祀乙
亥壬午死難諸人地方官三人府同知顏則孔府推
官王世琇副將張興鄉官五人工部尚書周士樸工
部郎中沈試光祿署丞侯執中中書舍人侯忻廣平
府推官朱國慶指揮十人熊應呂蔡浩周訥賈之琯

梅振英張鴻光張宏印蔡侯東殷宏基張宏明千戶
四人董文璽楊心赤劉璿璣夏光裕官生二人田國
賴 沈必解元三人貢遂周士美徐作霖舉人

六人吳伯喬楊岳張儒王風普李明開周業熙貢生
十人侯恒周士貴周士良沈誠喬文煒劉杭張元曜
田國命范奇勝吳伯允監生四人侯棕徐纘武沈偶
安念祖庠生一百二十七人田國用黃麟徵張永昌
劉伯愚李景華李國璋李鳴陞侯方鎮張渭侯沈張
我標劉憲生崔植槐侯恕閻民表劉世起侯甸劉鴻

光楊瑞周士旂周士楚李鐘秀張澤張奇策曹秋李
去奢喬煜侯錡沈佑曹繼蕭喬璽張廷議曹璧明侯
怡屠之豫孫瑤侯方將侯方弼賈開明周之造周之
璽賈光霖胡曹一常朴陸吉侯恬侯慮侯恬沈詒劉
玉舉周允祉闕琳侯治泗常徽周之選賈開統沈養
浩李九芳張璐曹穀孫如蘭王鉢侯國澤張廷陳胡
璪陶昇胡毓和張岳張元恬燕祖名張光張履端曹
鍾英畢大志宋煜沈保傳大聘曹起彬郭銳湯琯李
桐王夙一劉元脉花燦然王奇牛晉雲張克岐金士